

## **Vjecni Djecak**

*U nekom gradu u daljini  
U brdovitoj zemlji, nježno zelenoj  
Moj rodni grad, u uvalini  
Spava na zelenoj rijeci uzbrkaloj*

*Godine su mnoge prosle  
Djetinjstvo moje spava u vodi  
Generacije djece nove su dosle  
Neki novi klinci, novo vrijeme ih rodi*

*A ja pripadam jednom vremenu davnom  
Prije mobitela i interneta  
Kad igrali smo nogomet na asfaltu neravnom  
Razbijali koljena, u guzvi prometa*

*Zive u meni i dalje zarka ljeta  
Mokre jeseni, i mracne zime  
U ratno doba, po noci se seta  
Mjesecina na Vrbasu, zove mi ime*

*Pod Kastelom, na Simsuru  
Gdje naucih plivati devedeset-neke  
Osjetio sam hladnu vodu uzburkalo  
Postao sam dio voljene rijeke*

*Djetinjstvo moje, u vodi toj spava  
Sa njime spavaju djecacki snovi  
U jedno su stopljeni snovi i java  
Dalekim vodama, sad moj zivot plovi*

*Te vode u daljini nisu mi iste  
Na njima sunce isto ne blista  
Tudjinske vode nisu mi ciste  
Upoznah mnoge, nijedna nije ista*

*Napustio sam rodni grad jos davno  
Jer nismo mogli opstati u njemu  
Od te godine, sve mi je do mora ravno  
Samo izbjegli razumiju tu na dusi sjenu*

*Rat je najveći uzas covjecanstva  
Jer ostavlja iza sebe zive mrtvace*

*Uzaludne su sve mudrosti, prorocanstva  
Kad mrznja i nasilje, oko na tebe bace*

*I necu da trazim vise krivce  
Ni na jednoj, ni drugoj, ni trecjoj strani  
Samo prevarenih zrtava vidim lice  
I koji ostadose, i koji odose vani*

*I ne pripadam nikom, nijedoj strani  
Pripadam svojoj, koja nema granica  
Svako ko mrzi neka se mene mani  
Pokorne sluge mrznje i lanaca*

*A ja vjerujem u ljude, i vjerujem u Boga  
I vjerujem da ljubav prevazilazi zlo  
Moju dusu sa svemirom povezuje sloga  
Moj domovina prevazilazi zemaljsko tlo*

*Ostao sam vjeciti zamisljeni djecak  
Sto u Vrbasu pliva pod starim zidinama  
I kad nad glavom mi bude stajao stecak  
Moja dusa ce da stremlji ka dobroti i visinama*

*I necu da mrzim, odbijam poslusnost  
Vjeran sam pravdi, vjeran djetinjstvu  
Da branim nevine, moja je duznost  
Cuvam dusu casnu, pravednu, cistu*

*U meni vjeciti djecak jos zivi  
Taj djecak nikog ne mrzi dok zivi  
Radoznao, osjecajan, i lako ranjiv  
Za ubijeno djetinstvo nikog ne krivi*

*Oprastam onima sto ubise djetinjstvo  
Ostaje mi samo da pricam i pisem  
Cuvacu uspomene, sjecanja na majcinstvo  
Jedne zemlje, dok na zemlji krocim i disem*

*Zbogom moja izgubljena zemljo  
Tebi pripada moj uspijeh i cast svaka  
Zivjeces vjecno duboko u mojoj dusi  
Kao hladnoca rijeke, na dusi topla i laka*

© Vedran Eminovic, 2015